

KOTA KINABALU, 7 JULAI (BERNAMA) -- PERDANA MENTERI DATUK SERI DR. MAHATHIR MOHAMAD DAN DATUK SERI DATIN PADUKA DR. SITI HASMAH DISAMBUT DENGAN UPACARA BERWARNA-WARNI SETIBA MEREKA DI SINI UNTUK LAWATAN DUA HARI KE SABAH.

ROMBONGAN PERDANA MENTERI ITU TIBA TENGAH HARI INI DAN DISAMBUT DENGAN PERMAIDANI MERAH DAN PASUKAN KOMPANG, TARIAN SINGA SERTA GADIS-GADIS JELITA BERPAKAIAN TRADISIONAL MASYARAKAT SABAH YANG MEMBAWA BUNGA MANGGAR.

MEREKA YANG TIBA DENGAN JET EKSEKUTIF TIDAK TURUN MELALUI TEMPAT KETIBAAN BIASA +AIRBRIDGE+ TETAPI TURUN DI TEMPAT PESAWAT-PESAWAT DILETAKKAN DAN MENUJU KE TEMPAT ORANG-ORANG KENAMAAN MENUNGGU.

KETUA MENTERI DATUK JOSEPH PAIRIN KITINGAN KEMUDIAN MEMPERKENALKAN ANGGOTA JEMAAH MENTERI NEGERI DAN ORANG-ORANG KENAMAAN LAIN SERTA PEMIMPIN PARTI KOMPONEN BARISAN NASIONAL SABAH KEPADA PERDANA MENTERI.

ISTERI DATUK PAIRIN, DATIN GENEVIEVE TURUT BERSAMA.

SEBELUM ITU, DATUK SERI DATIN PADUKA DR. SITI HASMAH MENERIMA SEJAMBAK BUNGA DARIPADA ANAK PEREMPUAN SETIAUSAHA KERAJAAN NEGERI TAN SRI HAJI ABDUL HAMID EGOH.

PETANG INI PERDANA MENTERI AKAN MERASMIKAN TERMINAL BARU LAPANGAN TERBANG ANTARABANGSA KOTA KINABALU. -- BERNAMA.

143DMST 07 07 86